

T. 922. 2
DISSERTATIO PHYSICA

INAUGURALIS,

DE

Ascensu Vaporum spontaneo.

QUAM

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S. S. T. P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORIS,

SUMNISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

SAMUEL BLACK,

HIBERNUS,

Soc. Reg. Med. Edin. Socius,

Et

Soc. Chem. Praefes Annuus.

He causeth the vapours to ascend from the ends of the earth. PSALM 135.

Ad diem 24. Junii, hora locoque solitis.

EDINBURGI:

Apud BALFOUR et SMELLIE,

Academiae Typographos.

M,DCC,LXXXVI.

~~Mr. Trenchard~~

~~with best compliments~~

~~from W.D.~~

322291



Viro celfo, pernobili,

W I L L S H I L L,

COMITI DE HILLSBOROUGH,

A fecretis regiae majestatis

In utroque regno confiliis,

Comitatus Duncenfts praefecto,

&c. &c. &c.

S. P. D.

S A M U E L B L A C K.

*Quoniam nemo est qui tot tantisque nostram familiam beneficiis ob-
strinxit, nemo quem probitatis, humanitatis, munificentiae ergo, honore
cultuque prosequi magis decet, hocce primum in re philosophica tentamen
tibi, Vir Nobilissime, suo jure dicandum putavi; non tam ut profapiam
tuam illustrissimam, virtutesque proprias laudibus, tibi ipsi parum gratis,
efferrerem, quam ut animi honesti, officiorum semper memoris, satis mu-
neri facerem. Ut diu in his virtutibus exercendis, cum pari tuo honore
et comm. do publico vivas valeasque, inter prima mihi vota est.*

Dabam Edinburgi, die 8^o Kalen- }
das Julii, A. S. H. 1786. }



DISSERTATIO PHYSICA

INAUGURALIS,

DE

Afcensu Vaporum spontaneo.

MULTA a natura quotidie geruntur, quae, etsi ita fiunt ut sensus nostros penitus effugiant, resecta tamen, summam admirationem movent. Inter haec, primas sibi vindicat humoris circuitus. Nil quidem vaporis ascendere videmus, nedum copiam maximam tempore calidissimo attolli suspicamur. Hoc tamen processu regulari et constante adeo opus est, ut si per tantillum etiam temporis sisteretur, omne quod vivit periret, et tota naturae facies foeda et informis evaderet. Absque eo, nec animalia nec vegetabilia sustentantur. Illa, aqua spoliata, brevi languescunt, gravissimis corripuntur morbis, et fato tandem concedunt; et haec aqua fere sola nutriri experimentis patet. Huic porro processui phaenomena multa, quae animum alte non penetrare non possunt, accepta referuntur. Aqua in vaporem primum convertitur; in atmosphaeram dein attollitur, ubi in particulas exiguas condensata, nubes efformat, quae, ignem electricum emittentes, mortalia corda pavore sternunt. Alias vero in guttas coalescit, quae radios lucis varie refringentes, et re-percutientes, iridem, halonem, et parhelion gignunt; vel in pluvias abeuntes, fluviis, fontibus, et scaturiginibus originem praebent.

bent. Frigore nonnunquam concrefcit, et forma nivis humum petit. Haec terrae faciem obtegens vegetabilibus frigus mordax et lethale defendit; et poſtquam hoc munus utiliſſimum functa eſt, calori verno non amplius obſiſtit; ſed ad priſtinam conditionem rediens, vel in intima terrae viſcera penetrat, ad immenſam mineralium varietatem maturandam et perficiendam requiſita, vel in ſolum et plantarum ſemina, gremio ejus latentia, ſeſe inſinuat, promptequē per vaſa exiliſſima tranſiens, et omnia ad augmen eorum neceſſaria liberaliter impertiens, ut tumefcant, pullulent, et creſcant efficit. Hujus denique laticis vitalis circuitus non ſolum animalium atque plantarum vitam conſervat, ſed etiam ad naturae faciem exornandam et decorandam plurimum confert. Ecquem non tacita pertentant gaudia, dum fontis pelluciditatem, vitream fluminis ſuperficiem, volubiles rivi lapſus, oceanive tumultus, oculis contemplatur?

De Quantitate Aquae in Atmoſphaeram exhalatae.

Atmoſphaera incredibili fere aquae quantitate, a plantis et animalibus, ab oceano et terrae ipſius ſuperficie, quotidie exhalatae, nunquam non oneratur. Ad hoc illuſtrandum, exemplorum abunde praefito eſt. Sanctorius quinque fere libras, nycthemeri ſpatio, a corpore humano, perſpiratione caeca, exhalari ſupputat *. Keill autem perſpirationem mediam, die inter ſomnum vigiliamque pariter dividuo, uncias triginta plus minus eſſe invenit †; et Brian Robiſon, experimentis in ſuo ipſius corpore inſtitutis conſiſus, eandem plus quam uncias viginti et ſeptem eſſe affirmat ‡.

Humori quoque e pulmone ejeſto animum attendamus oportet. Pericula a Doctore Hales inſtituta pulmonem libram 1, 39, horis

* Med. Static. Aph. 6.

† Med. Stat. Brit. p. 14.

‡ Robiſon on Food and Diſcharges, Table 2d.

horis viginti quatuor, excernere demonstrant *. Si vero quis a me quaerat, utrum hicce ex sanguine proveniat ipso, an inter respirandum gignatur? quaestionem vix, ac ne vix quidem, dirimere audeo. Sed quandam humoris portionem hic revera generari ponere, saltem haud absurdum. Nam illustrissimi Caven-
dish experimenta, aquam in unoquoque processu phlogistico, aëre dephlogistico et phlogisto commistis, effici, ostendere videntur, et huic causae minutam aëris molem tribuit philosophus. Hoc vero argumentum, quippe quod longius ab incepto trahe-
ret, fusius tractare nequeo. In medio igitur relinquam.

Nec minor humoris copia a regno vegetabili quotidie exhala-
tur. Hales primus huic rei perpendendae incubuit. Hic com-
perit heliotropium, pedes tres et dimidium altum, uncias vi-
ginti, horis duodecim, exhalasse; brassicam, eodem temporis
spatio, uncias undeviginti; vitem vegetam, uncias quinque;
citrum medicam, uncias sex †. Copiam igitur permagnam to-
tum genus vegetabile indies excernat necesse est.

Quantitas ab oceano vapore sublata haud ita facile ad calcu-
lum redacta. Doctor Halley aquae modum in loco ab accessu
solis ventorumque remoto seposuit; et eandem altitudinem octo
circiter pollicum, anni spatio, vaporando amisisse invenit. Aquae
superficies, dio objecta, hanc quantitatem, ut putat, bis triplam
dedisset. Exinde vaporationem annuam pollices quadraginta
octo aequiparare concludit ‡.

Cruquius aquam pollices circiter triginta, simili rerum condi-
tione, anni decursu, exhalasse observavit §.

Doctor Dobson experimenta multa per quadriennium conti-
nuum de hac re instituit. Ex his, cujusvis anni evaporationem
mediam ad pollices circiter triginta septem rediisse comperit ¶.

Philosophus

* Haemastatics, Appendix, p. 324.

† Veg. Statics, Chap. I.

‡ Lowthorpe's Abridgment of Philos. Transactions, Vol. ii. p. 110.

§ Brownrigg's Art of making Common Salt, p. 126.

¶ Phil. Transact. Vol. 67. p. 244.

Philosophus supra memoratus * vaporis a maris superficie sublati rationem inire est conatus. Tantum falis communis aqua coelesti dissolvit, quantum eam aequae ac mare falsam redderet. Thermoscopio in hanc immerso, et calore aestivi aemulo adhibito, pondus amissum identidem notavit. Dein ratione variis aquam tenentis superficiem inter marisque Mediterranei instituta, subductisque calculis, hoc mare doliorum majorum 5,280,000,000 die aestivo unico exhalare supputat †. Et haec quidem quantitas ventorum et aestuum agitatione augeatur oportet. Verum enimvero ni permagna foret evaporatio, proximum quodque littus submersum ‡ jaceret. Tot flumina magna perpetuo huc devolvuntur, tantumque ab oceano subsidium ‡.

Humoris copia insignis e terra ipsa dissipatur. Ponit Hales, rationibus subductis, vaporationem annuam a terrae superficie pollices 5,76 altos aequiparare §. Doctor Watson aquam ab unoquoque viridarii tonsi jugero dispersam, horis duodecim, congios 1600 superasse expertus invenit; quamvis herbae, nullis per mensem irriguae imbribus, sole rapido arescerent. Idem experimenta duo fecit postridie diei, quo plurimus in terram deciderat Jupiter. Secundum horum unum, jugerum quodlibet congios 1973 horis duodecim exhalavit; secundum alterum, congios tantum 1905. Hisce in exemplis, thermoscopium, humi positum, caloris gradum 96 indicavit. Aliud vero periculum, quo mercurius gradum 110 attigerat, congios 2800 dedit, etsi per hebdomadam non pluerat; sed terra aëre magis calebat, radiis solis a muro coctili reflexis objecta ||. Philosophus idem callem siccum et tritum vaporem affatim exhalasse comperit.

His calculis accedunt vapores a fomite omnigeno inter comburendum sublatis.

Patet igitur atmosphaeram aquae vim pene immensam, tempestas etiam aridissima, continere, adeo ut, si tota praeceps rueret, alterum efficeret diluvium. In oceano revera ambulare

hauç

* Nempe Hally.

† Lowthorp, Vol. ii. p. 108.

‡ Buffon.

§ Veg. Statics, p. 55.

|| Watson's Chemical Essays, p. 294. et 295.

haud inepte dici possumus. Hujus quidem aqua raro sese sensibus nostris obviam fert. Eam videre non possumus, nec, quamdiu aëre dissoluta permanet, nos humectare sentimus. Attamen aqua nihilominus est, etsi nec tangi nec videre queat, haud secus ac saccharum aqua solutum, quanquam et visus et tactus aciem effugiat, saccharum tamen esse non desinit.

Quemadmodum atmosphaera aquae quantitate haud parva semper oneratur, sic aqua aëre nunquam non referta. Gentes aquaticae in aqua aëre experte vivere nequeunt. An animalia terrena aliquid commodi ex aqua in aëre contenta capiunt?

De Praecipuis Evaporationis Theoriis.

Mens humana ita est comparata ut rerum causas indagare et theorias excudere semper summo studio conetur. Hoc quod ad nullum argumentum quam quod tractamus magis patet. Plures philosophi viam quam natura tenet, in vapore formando et elevando, exploraverunt, quorum alii in alias ivere sententias. Ast omnes vanas, quae de hac re conceptae sunt, opiniones, perpendere haud mihi in animo est; neque ita tempore abuti licet. Ad eas igitur, quae majorem attentionem sibi vindicant, perstringendas, accingar.

Doctor Halley credidit vesiculam aquae, flatus vel spiritus calidi, quem vocat, particulam includentem, calore ita distendi, ut aëre levior fieret, ideoque facile ascenderet. Hanc autem hypothesein ut refellam nil opus esse credo *.

Desaguliers nugas tantum splendidiores in medium protulit. Hic theoriā ejus coram Societate Regia, anno 1729, perlegit, quam nunc ad examen vocare mei est officii. Notat imprimis corporum particulas vi repellente gaudere, eamque calore adeo intendi ut vaporis particulae sese invicem valide repellant. Dein

B

hujusmodi

* Lowthorp's Abridgment, Vol. ii. p. 126.

hujusmodi ratiocinium instituit. Si calor aquam octingenties rariorem reddat, tunc aëre levior facta, sursum evehetur usque dum aëra ipsa leviolem offendat. Ad hanc sententiam firmandam, vaporem aqua quatuordecies millies rariorem esse affirmat; et ut evaporationis in usitata aëris temperie pergētis rationem reddat, propositionem quam probasse oportuit pro concessio sumit, nempe, et aquae et aëris expansionem esse ipsi caloris gradui ad unguem proportionalem. Hunc denique calculum inire pergit. Dicatur aquae bullientis calor, secundum scalam Newtonianam, 34; aestatis calor medius, 5; veris et autumnī, 3; hyemis, 2. Si nunc expansio caloris gradui iuste respondeat, et gradus 34 expansionem ut 14,000 producant, tunc gradus 5 dabunt 2058; 3, 1235; et 2, medius hyemis calor, 823. Haec autem expansio aquam aëre leviolem reddere sufficet, quoniam solita aquae densitas est ad aëris densitatem ut 800 ad 1*. Vapor igitur ita genitus in atmosphaeram perpetuo ascendet, vices ac mutationes posthac dicendas olim subiturus.

Huic theoriae multa sunt objicienda, quippe cujus principia non solum falsa, sed, si vera et stabilita essent, phaenomenis explicandis parum apta. Vim repellentem inter corporum particulas revera subesse minime inficias ibo; hujusmodi conjecturam olim proposuit Newton, eamque recentiore memoria demonstravit Boscovich. Sed in gradibus caloris inferioribus solitoque aëris pressu, eam, saltem in vapore sublevando, nihili habere licet. Quoad vaporis raritatem, omnino hallucinatus est auctor; pericula enim curate perquam a Watt instituta eum aqua 1664 vicibus tantum rariorem esse ostendunt. Porro aquam gradibus caloris inferioribus non multum expandi, aëra vero longe rariorem evadere, compertum habetur†. Praeterea cum doctissimo Judice Kaimes quaerere possumus, si vel hyemis calor aquae in vaporem convertendae par sit, cur non omnis tempestate calidiore vaporat, vel quaenam vis ne tota in atmosphaeram tollatur impedit? Vel si, disceptationis ergo, vaporem in aëra jam subla-

tum

* Desaguliers, Exper. Phil. Vol. ii. p. 311.

† Black's Lectures.

tum ponamus, nonne auctorem quo pacto ibi loci suspendatur ostendere oportuit? Nam frigus celsiorum atmosphaerae tractuum notabile formam aquosam horae momento restitueret. Res autem adeo non fit ut frigore durissimo atmosphaera aquam retinere non desinat. Mense Januario 1735, in Siberia, mercurius ad gradum usque 157 infra 0 subsedit; et hoc etiam tempore regio coeli inferior nebula perpetua obscurabatur, quae, mane densissima, meridiem versus rareſcebat, vespere spissior evasura*.

Anno 1754, ingeniosus Henricus Eeles, Armiger, theoriam novam, principiis electricis innixam, Societati Regiae proposuit. In hac, non solum vaporis ascensus, sed etiam ventorum baroscopiique phaenomenorum, rationem reddere conatus est. Sententiam ejus, quantum ad meum spectat argumentum, suis ipsius verbis proponam.

‘What I propose to shew,’ inquit, ‘is, that the fire which is made apparent by electrical experiments is the principal cause of the ascent of vapour and exhalation. and that the lower part of our atmosphere is by that means kept more homogeneous than is generally supposed, and fitter for respiration, vision,’ &c.; ‘and that clouds of heterogeneous matter are kept suspended at their usual height, merely by this fire.’ Et postea, de vaporum ascensu verba faciens: ‘But their subsequent ascent,’ ait, ‘I attribute entirely to their being rendered specifically lighter than the lower air, by their conjunction with this electrical fire.’

Auctor a Societate Regia rogatus ut experimenta proferret quibus vapores omnigenos revera electricos esse deprehendit: ‘At first, I only supposed,’ respondit, ‘they must be so, according to the reasonings in my letter; but, upon trial, with a very simple apparatus, I had the pleasure to convince myself that they were so†.’

Experimenta ad hoc instituta figillatim enumerare et convellere legenti pariter ac scribenti taedio foret. Sed enim experimenta

* Novi Comment. Petrop. tom. 6. p. 429.

† Phil. Trans. Vol. 49. Part I.

menta alia, a Franklin et Kinnerfley facta, rem aliter longe se habere ostendunt: Ex his enim vapores, a fluido electricitate onerato ortos, nulla electricitatis indicia edere, patet: Nec fluidum minus electricum inter vaporandum evadit *. Praeterea, causa evaporationi praecipue favens, scilicet ventus, atmosphaerae electricitatem attenuat, vel etiam penitus delet, et electricitas atmosphaerica tunc praecipue vivida notatur, cum vapores praecipites ruunt †. Immortalis Franklin nubes electricitatem nunc negativam, nunc positivam, alias vero nullam, habere aperte demonstravit. Has igitur electricitate coacervata suffulciri vix, ac ne vix quidem, affirmari potest. Insuper corpora quaecunque, si modo frigida, vapores condensant. At si horum suspensio ex electricitate penderet, tunc symperielectrica eos idioelectricis citius et copiosius colligerent oporteret; quod tamen ita non esse quotidiana evincit experientia. Denique, si aqua, qua talis, in aëre suspenderetur, hujus pelluciditatem ex toto corrumpere; cujus quidem rei nebulae nubesque exemplum praebent.

Quamvis autem persuasissimum habeo evaporationem electricitati haud esse ex toto acceptam referendam, non tamen sum qui negem illam electricitate promoveri. Id enim ex Nollet, Cavallo, aliorumque experimentis, liquido constat.

Ad pensum gratius nunc perventum; ad illas scilicet ventilandas theorias quae adhuc sua auctoritate valent vigentque. Primas jure sibi vindicat opinio a Doctore Black super hac re tradita. Philosophus ille eruditus probare conatur, et corporum fluiditatem, et eorum in vaporem conversionem, non tam ex calore sensili, quem continent, pendere, quam ex quadam caloris quantitate, quae, a fluido vel vapore absorpta, ita latet ut nec sensu nec thermoscopio detegi queat, etsi semper, in quibusdam rerum conditionibus, erumpere et caloris sensilis vel mobilis formam induere, proclivis. Hunc caloris latentis nomine insignivit; dum calor sensilis is est qui ex altero corpore in aliud minus calidum, transire et thermoscopium sensumve afficere pronus est. Caloris sensilis quantitate quadam et ad fluiditatem et vaporis productionem prorsus opus est. Sed utriusvis causa efficacior est

certa

* Franklin's Letters and Papers, p. 384. et 398.

† Beccaria on Terrestrial Atmospheric Electricity.

certa caloris quantitas, quae a corpore absorpta, in eo nec aucta nec minuta latet, donec aliam induat formam. Corpore autem vel a statu fluido in solidum transeunte, vel statum vaporis cum conditione fluida commutante, calor latens gradatim evolvitur, et in sensus demum incurrit.

Ad hanc sententiam firmandam, observationum et experimentorum abunde praesto est. Ita quando duae aquae quantitates, mensuram aequales, sed calorem discrepantes, una misceantur, mixturae calor media arithmetica evadit temperies inter quantitatum nondum mixtarum. Sed si glacies et aqua commisceantur, longe aliter fit; mixturae temperies multo infra mediam arithmeticam invenitur. Quaedam scilicet caloris quantitas evanescens, formamque latentem induens, in fluidi crasin ingreditur. Rem hoc ipso modo se habere clare constat ex eo quod, aqua in glaciem iterum conversa, caloris non antea sensibilis quantitas exoluta sese sensibus obviam dat. Ita si aquae cyathus aëri, cujus temperies grad. 10 infra gelationis punctum est, objectus, agitatione omnino immunis relinquatur, aqua ad aëris temperiem, nec gelu obstricta, refrigerabitur. Si vero nunc subito commoveatur, dicto citius durata coit, et eodem temporis vestigio grad. 10. calidior fit, calore nempe latente, quem fluiditas causam agnoscebat, exiliente, formamque sensilem recipiente, dum aqua conditionem fluidam cum solida commutat.

Caloris vero latentis efficaciam in vapore formando perpendere mearum potius partium est. Aquae in vaporem conversio glaciei in aquam mutationem, Black iudice, refert. Magna scilicet caloris sensibilis quantitas, forma latente induta, in vaporis crasin ingreditur. Hinc oritur insignis caloris consumptio evaporatione semper genita. Si aqua calida sub antliae pneumaticae excipulo ponatur, ebullit statim, vapores emittit, parique passu frigescit. Calor hoc modo evanescens, nec in aqua, nec vapore, nec vase forma sensili detegendus, in vaporis compositionem ingreditur. Idemque, vapore in aquam condensato, de novo sensibilis evadit, adeo ut caloris quantitas effluat multo major, quam cujus ratio reddi possit, perpenso vaporis calore solo sensili. Distillationis ordinariae phaenomena rem perspicuam dabunt.

dabunt. Sint in vase refrigeratore aquae librae 100, et pone libram unam distillari. Sit aqua in refrigeratore grad. 10 calidior facta. Tunc caloris grad. 1000 e libra distillata effluxisse sequitur. Ponamus insuper aquae distillatae calorem esse nunc 52, quum ejusdem, ante condensationem, temperies esset 212; gradus igitur 160 tantum inter refrigerendum amisit; attamen, cum aqua in refrigeratore gradus 1000 communicavit. Unde igitur redundant gradus 840? Calor profecto latens quem hauserat vapor, inter condensandum evolutus, formam recipit sensibilem, nec amplius sese sensibus obvium ferre recusat.

Praeterea opinator Professor doctissimus, aquam solitam retinere formam tantisper dum calor sensibilis certum non transeat gradum; calore autem adaucto, quandam hujus portionem delitescentem, arctique cum aquae portione conjunctam, corpus novum, ab aqua unde derivatur prorsus diversum, vaporem scilicet, efficere. Hic, quippe aëre levior, in eo, secundum leges hydrostaticas, assurgit; et hoc modo evaporatio continenter persistat, quamdiu aquae calor major est quam qui hanc fluidam servare sufficiat*.

Recensita

* De hoc caloris in corpora influxu opinionem quodammodo diversam tradidit Doctor Irvin. Contendit philosophus egregius eum non pro causa, sed potius effectu, fluiditatis vel evaporationis haberi debere. Corpora diversa, etsi thermoscopio adhibito, aequalem indicant temperiem, caloris absoluti quantitates longe diversas revera tenere omnibus innotuit. Si aquae duo pedes cubici, temperiem discrepantes, una misceantur, misturae calor temperies inter quantitarum nondum mistarum media evadet arithmetica. Si autem aqua mercuriusque misceantur, res aliter longe evenit. Sit mercurii calor triginta; aquae autem octoginta; misturae calor erit sexaginta. Aqua igitur caloris gradus viginti tantum amisit, etsi cum mercurio triginta communicavit. Aqua nimirum caloris avidior est, vel eo difficilius saturatur quam mercurius, qui ejusdem minus capax est. Hujusmodi experimenta prosequens Irvin observavit corpus idem, formis indutum diversis, caloris nunc plus nunc minus esse capax. Glacies scilicet cum mercurio viginti gradibus se frigidior mista, minus impertit caloris, quam aqua cum mercurio viginti gradibus se frigidior mista; id est, aqua caloris capacior est quam glacies. Hinc colligit corpora, in fluiditatis vel vaporis conditionem transeundo, calorem absorbere, propterea quod ejusdem, dum formam mutant, avidiora vel capaciora fiunt.

Recensita theoria, liceat meam, observantia qua par est, edifferam sententiam. Dantur, ni fallor, duae evaporationis species, quae, utpote ex causis diversis pendentes, et phaenomena diversa edentes, impendio inter se diffident. Altera *sensilis*, altera *spontanea* audit. Haec aëra, illa calorem, causam agnoscit. Haec corporis cum alio conjuncti, illa, formam tantum mutati, exemplum praebet. In hac, vapor elasticus adeo non est ut aëris quicum conjungitur elaterem minuere videatur *; in illa autem, insigni resiliendi vi praeditus est. In hac, vapor aëris pelluciditatem ne minima quidem ex parte corrumpit; in illa delet. Haec in summo frigoris gradu perit; illa non parvum caloris gradum requirit. Haec denique sensum effugit, et nonnisi per effectus comperitur; illa oculo subicitur. Theoria igitur quam nuper exposui evaporationem sensilem venuste perquam et enucleate enodare mihi videtur. Sed, tanti viri pace, non possum quin credam evaporationem spontaneam modo nonnihil diverso exponi debere. Quo pacto vapor, qua talis, per atmosphaeram ascenderet intelligere nequeo; nam insignem frigoris gradum in regionibus superioribus semper pollere, nemo est qui nescit. Doctissimus et nunquam non laudendus Cleghorn, thermoscopium quinque millibus passuum supra terrae superficiem positum, ad gradum usque centesimum infra 0, zona etiam torrida, esse descensurum ostendit †. Vapor igitur in atmosphaeram ascendens calore latente brevi spoliatus, in aquam condensaretur terramque repeteret.

Sed evaporationem in nonnullis rerum conditionibus, ubi nil subest caloris latentis, locum habere plus simplici vice observatum est. Professor Willson Glasguensis telescopii speculum reflectens aëri, cujus temperies 0 erat, objecit. Hoc ad aëris temperiem refrigeratum afflavit, donec superficies densa glaciei crusta

Hanc opinionem maxime ingeniosam esse, haud est inficiandum. Si vero ita res se habeat, quatenam est causa fluiditatis? Anne calor sensilis? Minime gentium. Aqua enim, in quibusdam rerum conditionibus, fluida permanet, etsi ad gradum usque vicesimum refrigeretur, veluti in experimento Fahrenheitiano.

* Boerhaave Elementa Chemiae, Vol. i, p. 468.

† Dissert. Inaug. de Igne.

crusta inducebatur. Speculo aëri ut antea iterum exposito, pellicula brevi evanescere coepit, et intra quinquaginta horae minuta est penitus absumpta *. Phaenomenon idem et Boyle et Gauteron notaverunt. Ille glaciei frustulum, minus uncias duas pendens, in aequipondio posuit. Hoc Jovi frigidissimo multa nocte objecit : idemque grana decem paucis horis evaporando amisisse comperit †. Si nobiscum reputemus glaciem ne particulam quidem caloris latentis retinere, (totus enim inter congelandum erumpit), evaporatio hisce in exemplis aliam agnoscat causam necesse est.

Omnes quotquot vidimus theoriae legibus hydrostatices inniuntur. Philosophi quo pacto aqua in fluido, ipsa tanto leviores suspendatur, nunquam non exponere sunt conati. Sed eos memoria tenuisse oportuit quantitatem aëris haud parvam in aqua semper contineri, quae res gravitationis legibus non minus repugnat. Nec aquam aëris, nec aëra aquae expertem, unquam offendimus. Ad aquam in atmosphaera existentem demonstrandam, experimentorum abunde non deest. Ita alkali vegetabilis unciae octo aëri sudo tres horas obiectae humoris uncias duas collegere ‡. Corpus quoque humanum insignem aquae quantitatem ab aëre circumfluo interdum absorbet. Keill ostendit juvenem, alimenti inopia attenuatum, nocte unica, uncis octodecim hoc modo graviores evasisse § ; et ejusdem rei exemplum conspectius a Doctore Watson enarratur. Equiso nempe, apud *Novum Mercatum*, fame pene enecatus, ut ad justum pondus redigeretur, hora unica, uncias triginta fecit lucri, quam vini cyathum tantum dimidium interim sumpserat ||. Pari ratione, vegetabilia aliqua, quae radice nulla vel parvula tantum gaudent, per longum tempus crescere, vel etiam vigere possunt.

* Phil. Trans. Vol. 61. p. 330.

† Boyle's Works, Vol. iii. p. 66.

‡ Watson's Essays.

§ Med. Stat. Brit. p. 43.

|| Chem. Essays, p. 312.

sunt. Aloe a Doctore Hope in theatro botanico suspenſa per aliquot annos ſana et vegeta pullulare perſtitit *.

Altera ex parte, aër in aqua contentus, hac ſub machinae Boyleanae excipulo poſita, nobis in oculis ponitur. Tantum enim aëris erumpit ut idem ſpatium latius quam aquam qua includebatur impleviſſe; compererit Boërhaavius †. Ille praeterea notat, aquam aëre purgatam hujus bullam brevi abſorbere; aquam vero aëre jamjam ſaturam nil tale praestare. Ex his rite perpenſis, attractionem eſſe electivam aquam inter et aëra, unde haec orta phaenomena, palam eſt; et quoniam nec hujus nec illius pelluciditas conjunctione deletur, veram fieri ſolutionem concludere licet. Quando enim corporis et menſtrui particulae tam arcte conſociantur, ut totum fluidum ſit homogeneous, aeque ac menſtrum merum pellucens, atque ita, donec cauſa aliqua externa mutationem induxerit, permanſurum, huiusmodi conjunctionis apud chemicos *ſolutio* audit.

Halley primus hanc conjecturam in medium protulit. Ne ipſius de hac re verba taceam et veritas et juſtitia vetant. ‘I take it,’ inquit, ‘the air of itſelf would imbibe a certain quantity of aqueous vapours, and retain them, *like ſalts diſſolved in water*; the ſun warming the air, and raiſing a more plentiful vapour from the water in the day time, the air would ſuſtain a greater portion of vapour, as warm water will hold more diſſolved ſalts, which, upon the abſence of the ſun in the nights, would be all again diſcharged in dews, analogous to the precipitation of ſalts on the cooling of liquors ‡.’ Theoriam illam, quae nuperis diebus tantum invaluit, ex his verbis tam perſpicuis originem duxiſſe, vix; ac ne vix quidem, in dubium vocari poſteſt.

Anno 1751, M. le Roy diſſertationem de aquae in atmosphaeram elevatione et ſuſpenſione, inter Commentaria Academiae Regiae Scientiarum, evulgavit. In hac, ſententiam ſuam experi-

C

mentis

* Botanical Lectures.

† Elem. Chemiae, Vol. i. p. 522.

‡ Lowthorpe’s Abridgment, Vol. ii. p. 127.

mentis concinnis et ratiocinatione fana illustravit. Aquam in aëre revera diffolvi ex experimento fequenti colligit : ‘ Il s’agit
 ‘ feulement,’ ait, ‘ de mettre, un jour d’été, de la glace dans
 ‘ un verre bien fec ; le verre s’obfcurcit bientôt après, et fes pa-
 ‘ rois extérieures fe couvrent d’une infinité de petites bulles d’eau.
 ‘ L’eau qui, dans cette expérience, s’attache en tres grande quan-
 ‘ tité aux parois du verre, fe trouvoit donc auparavant fufpen-
 ‘ due dans l’air qui l’environnoit ; et comme elle ne troubloit point
 ‘ fa transparence, cette expérience réuffiffant par le temps le plus
 ‘ ferein, il eft clair, qu’ elle y étoit contenue dans l’ état d’une
 ‘ véritable diffolution.’

Auâtor dein aquae in aëre folutionem falium in aqua folutioni confert ; alteram alteri fimilem effe, et praecipue aëra, quo calidiorem, eo plus humoris diffolvere, oftendit. Experimentum tam aptum et idoneum ad hoc inftituit, ut praetermittere non liceat. ‘ Je prends,’ inquit, ‘ un jour d’ été, un globe de verre
 ‘ blanc ; je bouche exactement fon ouverture ; examinant ce globe
 ‘ avec toute l’ attention poffible, on n’y peut pas découvrir une
 ‘ feule goutte d’eau. Ce globe étant ainfi préparé, je le place
 ‘ fur un grand gobelet plein d’eau refroidie prefque au terme de
 ‘ la glace, de manière qu’ une partie du globe foit contigue à
 ‘ l’eau ; apres avoir laiffé les chofes dans cet état pendant trois ou
 ‘ quatre minutes, je retire le globe ; et ayant effuyé la partie qui
 ‘ étoit contigue a l’eau, on la trouve couverte intérieurement de
 ‘ petites gouttes d’eau ; cette eau fe rediffout bientôt a mefure
 ‘ que le globe fe réchauffe.’

Tunc demonftrat aquae quantitatem in atmofphaera contentam nunc majorem, nunc minorem, effe, et duas praecipue dari variationis caufas, calorem fcilicet ventumque ; roris denique naturam et caufas exponit *.

Doâtor Franklin opinionem fimilem in tentamine coram Societate Regia, anno 1756, recitato, et poftea inter opera ejus edito, obiter propofuit †.

Nobilis

* Vide Mem. de l’Academie Royale des Sciences pour l’Année 1751.

† Vide Letters and Papers on Philofophical Subjects, p. 182.

Nobilis simulque doctissimus Judex Kames evaporationis theoriam, affinitati aëra inter et aquam innixam, anno 1771, publici juris fecit *.

Sed philosophis omnibus qui hanc rem tetigerunt palmam facile praeripuit Doctor Hamilton. Nemo certe argumentum doctius aut elegantius tractavit, vel doctrinam phaenomenis exponendis fauste magis adhibuit. Tentamen ejus, Societati Regiae anno 1765 permissum, postea una cum aliis de re philosophica dissertationibus, scriptum edidit. De hac theoria, quippe attentionem summam jure sibi vindicante, fusius et uberius differendum est †.

Quoniam maximus rerum Conditor pluribus, quam quibus opus est, causis, in operibus suis uti haud solet, physices est phaenomena quamplurima ad causam aliquam generalem et percognitam referre. Hoc phaenomena inter se accurate conferendo efficiendum est; quae, si ab omni parte convenient, pro ejusdem generis effectibus habere, atque causae eidem tribuere, oportet. En regulas ab ipso Newtono super hac re traditas.

‘Causas rerum naturalium non plures admitti debere, quam quae et verae sint et earum phaenomenis explicandis sufficient.’

‘Ideoque effectuum naturalium ejusdem generis, eadem assignandae sunt causae, quatenus fieri potest ‡.’

Si igitur evaporationis phaenomena intra classem phaenomenorum magis generalem comprehendere queamus, tunc sat habere oportebit, nec amplius rem prosequemur.

Quoniam idcirco aquae particularum in aëre, salis in oceano, aliorumque corporum in menstribus suspensio, ejusdem generis phaenomena esse videntur, haec ex causa eadem oriri concludere sana logice non vetat. Ne hoc autem prius pro vero et stabilito habeatur, quam evaporationis et solutionis phaenomena inter se figillatim composuerimus; et, si similitudinem omnibus numeris absolutam

* Physical and Literary Essays, Vol. iii. p. 80.

† Essays by Hugh Hamilton, D. D. F. R. S. 1772.

‡ Vide Regulas Philosophandi, libro 3tio, princip. mathemat. praefixas.

absolutam comperiamus, tunc demum propositionem sancire licebit.

1. Si salis frustulum in aquae cyathum injiciatur, statim dissolvi incipit. Solutio, quiescente aqua, lente progreditur; quia nimirum aquae stratum sali circumfufum, hoc illico saturatum, plus dissolvere nequit. Sed aquam leniter agitando solutionem magnopere promovemus. Nec aliter in evaporatione res se habet. Quantum aura lenis viarum et platearum exsiccationi faveat, nemo non observavit. Ventus scilicet aëris portiones humore jam expletas perpetuo amovet, inque vicem earum ficciores apportat.

2. Si salis massulam in vas vitreum, aqua plenum, injiciamus, et solutionem leniter agitemus, menstrui portiones solvendo primum saturatae, quippe caeteris densiores, radios lucis diverse refringunt, unde res motu tremulo agitari apparent. Sale vero per totum fluidum pariter diffuso, solutio de novo pellucet. Pari ratione, trans agellum humidum tempestate calida prospicientibus, res objectae saltitare vel micare quasi videntur. Nam aliae aëris portiones, quippe quae vapore tunc ubertim ascendente varie onerantur, densitates alias acquirunt. Hinc radii lucis diverse refracti, motus tremuli speciem, vapore magis aequabiliter diffuso cessaturam, rebus inducunt.

3. Calor et solutionem et evaporationem promovet; frigus reprimat. Quo calidius est menstruum, eo plus solvendi dissolvit, et hujus portionem quandam inter frigescendum deponit. Hoc autem evaporationi iuste respondet. Aër, exempli gratia, noctu refrigerens, totum humorem interdum solutum retinere nequit. Hujus igitur portio quaedam, solutis amplexibus, forma roris vel pruinae praeceps ruit. Simili de causa, nebulae matutinae meridiem versus evanescent, vespere rediturae.

4. Quantitas corporis soluti, vel fluidi, dato tempore, in vaporem conversi, caeteris paribus, superficiei rationem servat. Sal quodvis ad pulverem redactum ejusdem massa facilius multo solvitur; et ratione prorsus simili, vapor, qui nil aliud est nisi aqua in particulas exiles divisa, hac citius et facilius dissolvitur.

Quanta

Quanta efficacitate aër vapores ab aqua bulliente ascendentes haurit, nemo est quin notaverit.

5. Et evaporatio et solutio frigus gignunt. Ita nivem in acido nitroso solvens tantum frigus concitare potest quantum hydrargyrum in metallum solidum, mallei sequax, redigat. Huic juste respondet experimentum a Culleno institutum; phialam aethera vitriolicum continentem in cratera aqua plenum immergit; hunc sub antliae pneumaticae excipulo posuit, aëraque exhaustit. Æther statim in vaporem converti coepit, et aqua phialae circumfusa in glaciem brevi concrevit *.

6. Spiritus vini rectificatus, aëre purgatus, hujus bullam aqua citius absorbet; quippe aëri affinium est quam aqua. Hac etiam de causa, alcohol aqua celerius longe vaporat.

7. Si corpori cuivis in menstruo dissoluto aliud, huic affinium, adjiciamus, illud praeceps dabitur; hoc solvetur. Modo simili, aqua aëra quem tenet dimittet, addito sale quovis medio; vel si spiritui vini parem aquae coelestis quantitatem apponamus, haec fluida, quippe inter se quam aëri affinia, ejus quem tenent portionem emittent. Hinc aëra in his fluidis revera *dissolvē* concludere fas esse videatur.

8. Menstruum solvendo quovis saturatum plus solvere nequit. Si aquae regiae auro jam expletae plus adjiciamus, fundum, nec solutum, petet. Sic quoque aër certam tantum aquae copiam dissolvere valet. In aëre humido, evaporatio admodum parca est; et simili de causa halitus pulmonum, vel etiam cutis, oculo nonnunquam subjicitur †.

9. Quo densius est menstruum, eo plus pro rata dissolvit. Si Saturno in acido nitroso dissoluto aquam puram addamus, metalli portio quaedam ab acido sejuncta fundum petet. Sic etiam parte aëris ex antliae pneumaticae recipulo exsucta, residua nebulosa evadit; et si plus adhuc extrahatur, facies excipuli inte-

rior

* Physical Essays, Vol. ii.

† Lord Kames on Evaporation.

rior humore obducitur. Hic, aëre iterum intromisso, de novo dissolvitur, et aër aeque ac antea perlucet.

10. Corpus dissolutum menstrui pelluciditatem minime corrumpit ; simul vero ac dejici incipit, hanc omnino delet. Eodem modo, aër, dum aquam perfecte dissolutam tenet, tranflucet ; sed, si quando vaporem antea solutum retinere nequeat, opacus fit ; cujus rei nebulae sint exemplo.

Ex his patet aquae in aëre et salium in aqua solutionem esse alteram alteri penitus similem, et hinc evaporationem veram esse solutionem concludere fas est. Haec doctrina veri videbitur similior reputanti quantum in phaenomenis physicis valeat attractio electiva, ad phaenomeni specialis rationem reddendam minime excogitata. At enim objici potest aquam in excipulo exhausto, ubi nil adest aëris, vaporare ; et nonnulli hunc nodum haud expediendum esse crediderunt. Duas revera dari evaporationis species jamjam notatum est, spontaneum scilicet et sensibilem ; hanc calorem solum causam agnoscere inter omnes constat ; et nil certe obstat quin aqua, sub excipulo vacuo posita, in vaporem convertatur, si modo sit insit caloris. Ast vapor ita genitus, aëris qui cum solvat defectu, cito condensatus, per excipuli latera stillatim defluit. Porro, aëris pressum aquae in vaporem conversioni obflare hic loci notare juvabit ; nam aqua calore gradibus fere 120 minore in vacuo, quam sub solito aëris pressu, ebullit. Modo simili, cum mercurius in baroscopio ad pollices usque 26 subsidit, aqua gradibus caloris 205 in vaporem affatim convertitur ; illo autem ad pollices 31 levato, non minus gradus 214 eundem praestant effectum * ; ratio igitur in aprico est cur aqua facilius et copiosius in vacuo, quam in aëre, vaporat.

Experimentum quod sequitur hoc ratiocinium illustrat. Periculis comperitur aquam, nisi quodam gradu tenus calefactum, vaporem

* Hoc experimentis a De Luc et Georgio Schukburg, Equite, institutis stabilitur. Vide Phil. Transf. et De Luc Recherches sur les Variations de la Chaleur de L'Eau bouillante.

vaporem in vacuo haud emittere. Acetabulum Sinenſe uncia-
rum trium capax, aqua impletum, et ſub recipulo vacuo poſitum,
nil ponderis, quatuor horarum ſpatio, amiſit ; cum vas ſimile,
parem aquae quantitatem capiens, drachmam unam et grana
oſto ſub dio exhalavit. In experimento priore, antliae manu-
brium ſubinde circumactum eſt, et utroque in exemplo fluidi
temperies erat 48 *.

Quo hujus doctrinae veritas extra dubitationis aleam ponatur,
eam ſingulorum atmosphaerae phaenomenorum rationem con-
cinnam, haud redarguendam, praebere, oſtendere tantum reſtat.
De his igitur deinceps paucis abſolvam.

De Atmosphaerae Phaenomenis ab Evaporatione Penden- tibus.

Quoniam aqua et aër inter ſe tam affines ſunt, alter alterius
particulas attrahit, attractasque in atmosphaeram tollit ; nam
aëris ſtratum quodvis ſuperius, quippe inferiore ſiccior, humo-
rem jam ſolutum fortius pro rata attrahit ; adeo ut vapor per
regiones inferiores diffuſus altius atque altius ſenſim aſcenderit ;
et aër inferior, aquae capacior relictus, plus diſſolvere perſite-
rit. Hoc modo vapor per atmosphaeram, etiamſi tranquillam
et agitatione omnino immunem, perpetuo aſcenderet ; ejus vero
diffuſio ventis multum promovetur.

Quanquam regio aëris inferior vaporum praecipue ſcateat,
tamen nubes iſthic raro formantur, quoniam calor hic loci pollens
humoris condenſationi occurrit. Simul vero ac vapor regiones
ſuperiores attigerit, aër, quippe qui frigori duriore patet, ejus
minus capax fit, et portio quaedam condenſata in guttulas mini-
mas coit. Hae ſeſe leviter attrahentes, et aëre commiſſae *nubes*
efformant. Qua ratione nubes ſuſpendeduntur, me non bene in-
telligere fateor. Sed particularum exiguitatem ad hunc con-
ferre

* Dobſon in Phil. Tranſ. Vol. 67.

ferre effectum scire juvabit ; scilicet dum particulae cujusvis moles minuitur, materie quantitas in ratione cubi ex diametro decrescit ; superficies vero in ratione quadrati tantum ex eadem ; et quoniam particulae pondus materiae quantitati, aëris vero renixus superficiei, proportionalis est, renixus in ratione tanto minore quam pondus minuitur, ut id demum aequiparans vel etiam superans, particulae descensum prohibeat. Eodem modo aurum, in bracteam tenuissimam redactum, in aëre suspensum natabit. Porro, electricitatem in hac re pensi esse habendam veri videtur simillimum. Sed totum hoc argumentum difficultatibus premi videtur.

Quo calidior regio aëris superior, et quo minor vaporis sublatis quantitas, eo altius formabuntur nubes : Nam vapor alta petere perstabit, donec aëra adeo frigidum vel adeo tenuem offenderit, ut eum retinere nequeat. Hinc nubes brumales magis ima petunt campisque recumbunt. Hinc etiam grando aestate, quam hyeme, frequentior.

Cum nubes vaporibus perpetuo adjectis amplificantur, particulae in guttas coeunt. Hae graviores fiunt, quam quae suspensae maneant, ideoque in pluviam abeuntes terram petunt. Hic quoque electricitatem in auxilium vocare fortasse liceret ; nam fulgur fere semper Jovem deducit *.

Doctor Hutton opinionem novam de imbris praecipitatione proposuit. De experimentis quibus innitur sententia, memet certiore facienda non adhuc copia data est. Sed, quantum quaerendo discere potui, hujusmodi esse videatur. Calorem vim
aëris

* An aqua in atmosphaera unquam generari potest ? Aëris inflammabilis quantitatem in regionibus superioribus adesse, ab experimentis verisimile videtur † ; et rem ita se habere meteora ignea declarant. Adest quoque aër erythraeus. Nonne igitur ex his aëribus, fulgure electrico accensis, aquae quantitas, quantulacunque sit, gignetur ? Si experimentis a Cavendish institutis fidem habere liceat, res se ita non habere non potest.

† Vide Voyages dans les Alpes, par Horace Benedict de Saussure, tome premier, p. 518.

aëris solventem augere jam pridem compertum. Adinvenit autem philosophus vim solventem in majore ratione augeri quam calorem ipsum. Si igitur aëris rivi diversi, humore saturati, sed calore discrepantes, confluyendo intermisceantur, certa humoris quantitas dejiciatur necesse est. Tales ventorum concursus in atmosphaera saepius existere observationibus nuperis palam est; ideoque aquae ab aëre dejectionem ex hac causa, partim saltem, pendere, non temere colligit auctor.

Nubes ante interdum gelantur quam particulae in guttas sint coactae. Tunc frustula parva frigore concrefcentia floccos *nivis* efficiunt. Nix enim nil aliud est praeter aquam in crystallos duratam.

Si particulae prius in guttas coeant quam frigore duruerint, tunc forma *grandinis* humum petunt.

Si, aëre vaporibus onusto, aura frigida suboriatur, horum solutio reprimitur, et in atmosphaerae regione infima *nubes*, vel *nebulae* potius, enascuntur. Hoc ut plurimum prius notamus quam Aurora effulserit; sed aër, exorto Sole, calefscens, particulas aquosas de integro solvit, et dies clarescit. Aëre autem, Sole in oceanum demerso, frigescente, vapores iterum praecipites dantur, et *nebula* fit *vespertina*.

Post diem aestivam praecipitatur saepe *roris* copia ingens. Tempestates regionesque calidissimae hoc praecipue abundant. Ab Hespero veniente ad diluculum usque matutinum dejici fere persistit. Tunc autem calor redux aquam, stillarum innumerarum forma, supra humum et plantarum folia dispersam, de novo dissolvere incipit. Hinc oritur *caligo* ista, (vel ut Anglice nominamus, *a hazinefs*), quam omnes horis matutinis observavimus.

Roris naturam atque causas, diu ignoratas, primus aperuit Le Roy. Experimenta multa de hac re instituerant M. Gersten et M. du Fay*. Ex his, rorem e terra ascendisse sibi persuaserunt.

D

* Vide Mem. de l'Académie pour l'Année 1736.

runt. Corpora diversa minorem roris copiam pro distantia a terrae superficie, dato tempore, accepisse compererunt ; et hinc propositionem memoratam inferre haud haeserunt. Sed theoria nostra phaenomeni rationem facile reddit : Nam aër terrae vicinus, humore plenius saturatus, quandam hujus portionem inter frigesendum deponere proclivior erit. Ratione simili, nebulae ab aëre, vespere aestivo, revera caducae, ex paludibus vel stagnis ascendere videntur. Hae primum humillimae sunt, et non nisi paucos pedes supra paludis superficiem pertingunt. Sed aëre magis magisque sensim frigescente, stratisque etiam superioribus humoris minus capacibus factis, nebulae ad altitudinem majorem porriguntur.

Hujusmodi quoque phaenomenon in imbris praecipitatione observare est ; scilicet, vas quodvis, humi positum, hujus quantitatem duplo majorem quam vas simile, ulnis octodecim vel viginti supra hoc collocatum, dato tempore, recipiet. Hoc, a Doctore Heberden primo observatum, Percival aliique postea ratum fecere. Ejus vero ratio haud ita facile reddita.

Ros vel nebula ad terram jam delapsa, ibique frigore congelata, *pruinam* gignit.

Ventos alios prae aliis humidos aridosve esse, nemo ignorat. Auster plerumque humidus ; Aquilo ficeus. Ille nempe, quippe qui in regione calida oriatur, vapore soluto plerumque expletur ; sed plagam fridiorem versus afflans, atque ita sensim refrigeratus, vaporis minus capax pro rata redditur. Hinc imbres plerumque affert, et non inepte cecinit Poeta :

‘ Suspecti tibi sint imbres ; namque urget ab alto
 ‘ Arboribusque fatisque *Notus*, pecorique sinister.’

Contra ea, Aquilo, e regione frigida veniens, pauxillum tantum vaporis dissolutum tenet. In plagas vero calidiores progressus, et ita gradatim calefactus, vaporis solvendo aptior evadit. Hinc plerumque ficeus observatur, et coelo fudo comitatus :

‘ Frustra

————— ‘ Frustra terrebere nimbis,
‘ Et claro sylvas cernes *Aquilone* moveri.’

In atmosphaerae phaenomenis exponendis, caloris tantum vices haecenus perpendimus; at densitatis quoque variationes pensi habeamus oportet. Quo densior aër, eo majorem aquae quantitatem dissolvere valet. Rem ita se habere experimentis patet: Nam aër in recipulo pneumatico aquae conjunctae portionem inter rarescendum deponit, quae in particulas tenuissimas coiens fumi speciem prae se fert. Si quando igitur atmosphaera, vapore saturata, ex quibuscunque causis, statum densum cum rariore commutat, certa humoris quantitas praeceps ruat necesse est. Hinc nubes colliguntur et imbres deducunt Jovem. Contra ea, aër a conditione rara in densiorem versus ne vapores dejiciantur prohibet, et nubes pridem formatae de integro dissolvuntur. Baroscopio igitur atmosphaera rariore subsidente, pluviam; sin altius ascenderit, solum expecta.

Philosophi, ut fluminum atque fontium originis rationem redderent, ad tubos et siphones, qui oceani aquas haurirent et percolarent, decurrere. Hypothesis quidem durissima! quam prima facie abjudicare oportet. Nostra autem theoria rei rationem reddere minime difficile. Flumina fere omnia in plagis montosis originem habent; cujus rei causa hujusmodi esse videtur. Montium cacumina in regiones atmosphaerae frigidiores pertingunt. Hinc cum venti aëra inferiorem, qui calidissimus est et vapore praecipue onustus, contra montes adigant, aër cursu impeditus ascendet; et montium latera scandendo, perque culmina transeundo refrigerens, humoris quantitatem praecipitem dabit, quae, in partes interiores subsidens, in fontibus et scaturiginibus, fluviis originem praebituris, olim erumpet. Ita montes fontibus et fluentis originem praeberent, etsi nec imbres nec nubes existerent. Sed nubes a montibus attractae ingentem humoris copiam, super eos deponunt. Haec res electricitati accepta referenda esse videatur. Hinc regiones montibus vicinae tempestati pluviosae prae aliis subjiciuntur.

Multa

Multa adhuc agenda restant : Sed de his differere differam oportet, quippe quem et vires et tempus deficiunt. Porro limites soliti tentaminum hujusmodi, me, utcunque cupidum, a nimis late, in agros quos philosophi, post multum laboris, quodammodo incultos reliquerunt, excurrere prohibent.

His demum exactis, quantum naturae ordo atque decor ex aquae circuitu pendeant non sine admiratione reputandum est. Per hunc, quantumvis simplicem processum, Alma rerum Parens, omnium opportunitatum provida et consultrix, effectus quantos ! quam utiles ! absolvit. Absque eo, nulla pullulat herba, nulla floret arbor, animalia moriuntur. Per eum denique, rerum facies perpetuo diversa ostenditur, et dum singula senescunt fatore funguntur, natura, quasi juvena sempiterna gaudens, ab initio viguit et adhuc viget.

F I N I S.